



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA

CARDINALITIIS DISPUTATIONIBUS
manè discutienda in Scholis Medicorum, die Lunæ vigesimo-
tertio mensis Decembris, M. DCC. XXXVII.

M. JOANNE-BAPTISTA THOMA MARTINENQ,
DOCTORE MEDICO, PRÆSIDE.

An Magnatibus, Venari saluberrimum?

I.



IX dum lapsus erat homo, cum jam vultus in sudore (a) panem comedit. Factus illico morti subditus, corporis animique morbos, lethi causam ut plurimum aut satellites, à se, quantum licebat, amovere tenebatur. Hinc mortalium vita, si non perennis (b) ægrotudo, saltem indefinens labor. Labor quidem operosus, quo dies noctesve nititur natura solers, eam inter partes hominis restituere motum æquabilitatem, in quâ fuerat hic (haud mortalis) à Creatore primum constitutus. At quàm irrita sapius natura molimina! Cum

à Totum hominem à nativitate morbum esse | in Axiocho. Guill. de Baillou Dispnt. Quodlibet, pronuntiavit Hippocrati, in Epist. idem Plato | 12 Novemb. 1615.

a Genes. c. 3.
v. 19.

b

A

vivere velle, nec servare vitam, proprium sit gentis humanæ vicium. Quorsùm igitur certis quibusdam hominibus naturaliter obtigit partium corporis omnium egregia conformatio? Quorsùm innata partium earundem optima *diabesis*? Quid prodit in eorum fronte serenitas? Quid gravitas, in superciliis? Quid in oculis, fulgor; decor, in naso; in genis, nitor; venustas, in ore; in mento, dignitas; in universo corporis habitu, dulce majestatis, urbanitatisve conspectum, quod vi suâ, cunctorum oculos ad se rapit & allicit? Quid firmitas, humeris; lætæ, robur; membris, agilitas? Quid tandem eos ubique comitantur veneres, gratiæ, sales: Quum tot naturæ muneribus ac donis utantur præposterè, ne dicam, abutantur? Quot immò suæ ipsi salutis (c) sunt plerumque proditores, dum, pessimo vivendi genere, decoquere sanitatem non reformidant? Sic plures, non ex naturæ voto, sed immaturi & ante diem pereunt. Vis autem corpore simul & mente sanus, lucem intueri? Vis pubertatem servare diù & jucundè? Victui adhibeas modum. Hic vulgaris apex humanæ felicitatis, ad quam amicâ faciliq; manu nos ducit *Hygieinæ*, pars Medicinæ princeps. Diem interitis, quem sæpè maturasset incondita victus ratio, quoties arte suâ non moratus est, *diæreticorum* præceptorum sciens, prudensque naturæ interpret & adjutor, Medicus? *Dietæ* leges spectant potissimum aërem; cibum, potum; motum, quietem; somnum, vigiliam; excernenda, retinenda; & animi *pathemata*: de quorum omnium salubritate, ordine, indole, vicissitudine, mensurâ, & usu, solius est Medici rectè differere, statuere, pronuciare. Magnum opus omnino (d) & arduum; sed artis suæ amanti & verè Medico nihil difficile. Quos hujus Decreta, tot extant Oracula. Non ergo satis est in vitâ, nihil prorsus ultra modum aggredi, nisi hoc ipsum, quod suscipitur laboris, exercitationisve genus, honestum sit, suave, licitum; ætati, sexui & conditioni cujusvis accommodatum. Quid enim ad vitam salubrius, diutiusve protrahendam magis conferre potest; quàm summâ cum jucunditate & securitate, tempus traducere?

I L

^a Joann. Frant.
DeLadquerie.
^b *Inst. Med. agit.*
L. 1. c. 16. *Mat.*
1704.
^c J. F. Deladquerie.
^d *ibid.*

^e J. F. Deladquerie.
^f *ibid.*

^g Hipp. in Leg.

^h De quibus
hygiæ.

EST profectò, ut in Poësi (a) & Picturâ, sic etiam in Medicinâ felix (b) indoles quædam, quam nisi ab ovo accipias, egregii Medici dotes consequi incassum tentaveris. Donum est cum vitâ quasi divinitus concessum, quod nec industria, nec arte solâ comparatur. Hinc quibus ab incunabulis recta mens deest, iis frequenter accidit, ut (c) plurima intelligendo nihil intelligant, & cum sapere multum didicerint, paulò demeritoris factos se probent. Fercissimus etiam Medicinæ campus, non omnibus tamen ex ejus culturâ suus venit honos. Alios copia seminum, serendi ratio alios deficit. Hinc Medici (d) famâ quidem & nomine multi; re autem & opere valdè pauci. Vir itaque sagax caveat decipi cum vulgo. Verum à falso discernat Medicum, cui valetudinis suæ curam committat. Quid enim hæc in vitâ, sanitate præstabilis? Quid, optabilis? Functionum hominis integritas, quam & sanitatem vocant, partim ab innatâ pender corporis incolunitate, partim à rerum non naturalium usu. At quoniam sic à naturâ res ejusmodi constitutæ sunt, (e) ut nisi prudenter administrantur, obesse magis homini, quàm prodesse soleant; idèò maxima, quæ in singulis cautio requiritur, tum præcipuè in corporis animique motibus eligendis, regendisve adhibenda. Quicumque, prosperæ constitutionis fovendæ causâ,

^h Hanc Hippocrates in lege, naturam vocat, quâ repugnante, omnia irrita sunt,

paulò vehementius & usque ad anhelitum movetur, is dicitur exerceri. Motus, exercitatio, labor : distincta quidem nomina, unum sunt & idem. Nulla proinde exercitatio, laboris expers : nulla, nisi motus particeps. Mirum, quot à veteribus ad sanitatem tuendam excogitatæ fuerint exercitationum artes, unà *Gymnasticæ* disciplinæ comprehensæ! *Gymnasticæ* (f) antiquitatem, nobilitatem, famam & necessitatem; exercitationum (g) commoda generatim & incommoda; singularum discrimina (h), vires (i) & effectus, tam eleganti sermonis lepore, tanto eruditionis ac doctrinæ cultu, descripserunt, post *Mercurialem*, hujus *Academici* Magistri clarissimi, ut nihil ad eorum studium ampliùs addi possè judicaverim. Aurea nihilominus vetustij cujusdam Medici super motu Catmina, huc revocare non erit forsitan injucundum (k).

k Baptis. Fiera,
in cana. Paris.
1533. pag. 46.

*Protinus assiduus ni forte requiritis haustus;
Pharmaca, vel pilula nobilis antidotum,
Surgite jam lenis Conviva: Corpora torpent
Vestra, petunt motus tempora certa suos.
Reliquia saturo rescata à ventre supersunt;
Sedulus has solvet, cum labor auctus erit.
Hic saliat; faciles alius decantet amores;
Cursitet iste; leves torqueat ille pilas;
Quadrupedi insideat spectabilis ille feroci;
Iste leves cervor, ille sequatur apras.
Sic agite, in valido dum crescunt pectore vires,
Nec sinite à fesso ut corpore sudor e.ii.
Natura hinc labor invigilat, benè concoquit; omnes
Effugiunt sordes; & famis ardor adest.
Segnities, torporque abeunt, &c.*

Nullis porrò vivendi legibus quamvis obstrictus esse debeat sanus homo, sibi tamen à multis commodissimam & convenientem eligant Magnates exercitationis normam, cui suaviter turòque indulgeant. An non delectat (l) singulos, quodcumque singulorum naturæ congruit?

l Aristot. Polit.
l. 8. c. ultime

f P. J. BURETTE, Disput. Cardin. 5 Martii 1707.
Idem. Disput. Quodlib. 28 Novemb. 1715.
g D. DEFARCY, Disput. Cardin. 28 Martii 1715.
A. P. MATTOT, Disput. Cardin. 20 Martii 1727.

F. BAILLY, Disput. Cardin. 19 Martii 1737.
h CL. GUERIN, Disput. Cardin. 31 Martii 1667.
i P. J. BURETTE, ibid.
N. ANDRÉ, Disput. Cardin. 4 Martii 1723.

III.

HUMANI generis incunabula, (a) nec ædibus, nec muris circumdederat opifex, ædificatorque mundi, Deus. Nulla parentibus primis erant oppida, civitates nullæ. Quos nascentes exceperat rus amænissimum, benignusque fovebat solis aspectus, hos rare duntaxat & fugaces arborum umbræ ab æstu nimio tutabantur. Nundum enim pluerat super terram (b), nec erat homo qui

a J Robert. Diss.
cardin. 12 Sept.
1695.

b Genes. c. 3.
v. 5.

operaretur in eā. Nundum arva distinxerat limes appositus. At post peccatum, cum vidissent mortales maledictam (c) sibi tellurem esse in omnibus operibus suis, varias meditando sensim extuderunt artes, quibus laboranti naturā succurrerent. Quid improbus non vincit labor? Quidürgens non cogit egestas? Hinc in iplo propemodum orbis principio (d) videas a patribus nostris vestes pelliceas primum sibi concinnatas; videas ab isleem excultos agros, (e) finesque in ipsis constitutos; videas constructa (f) tabernacula, domos & urbes conditas, (g) easque circumseptas mœnibus, ut vitam suam non minùs ab injuriis tempestatum, quam à ferarum immanitate servarent incolumem. O dira hominum conditio! Quibus, subditorum sibi primitus animalium, nunc venit expugnanda, domandaque feritas, ipsismet alioqui nocitura. Verum, (h) his vel punimur, vel exercemur, vel terremur; quod simus mortales. Artes ergo si peperit necessitas, quis Venationem omnium primum inventam, aut saltem agriculturæ cœvæam non affirmaverit? Quomodo enim è belluarum pellibus sibi & Eve tunicas fabricasset Adam, quin priùs ad ferarum inquisitionem se applicuisset? Numquid in escam hominis (i) è terrā quadrupedes & plantas eduxerat Protoplastes? Quorsum Cain & Abel Ada filii, pecudum greges alebant (k), cadebantve, nisi ut ex ipsis partim & vescerentur? An solum vertere, segetes aratro subigere, spargere semina, fructus metere, armenta-que custodire tutò potuissent, nisi submora identidem atque repulsâ bestiarum in campos irruptione? Mortales itaque nihil habuerunt antiquius, quam ut, vivendi, colendi, pascendive causa, bella feris primum indicerent. Nec mirum, si natâ, paulò post diluvium, ex Noe filiis splendidâ (l) juventutis multitudine, consanguineos inter exorta sint dissidia. Prædæ namque simul omnes cupidi, loca venaribus opportuna magis certatim, aliisque alio avidius ambiebant. Hinc venandi dexteritate ac robore qui præstabant aliis, saltus & agros venationibus affluentes, primum occupavere; tum & affines, in ditionem suam redigere non dubitaverunt. Sic Nemroth ex Noe pronepos, vir audax (m) & manu promptus, robustusque venator (n) coram Domino, primus omnium fuit (o) potens in terrâ, primusque Tyrannidem (p) seu Regiam (q) Potestatem exercuit. Sic omnia quæ jure naturali erant communia & indivisa omnibus, (r) veluti unum cunctis patrimonium; jure postea civili occupantium propria cæperunt esse. Hinc regionum, provinciarum atque gentium discretio; nec aliunde bellorum, imperiorum, regnorum, magistratuum & legum origo deducenda. Sed quoniam in unâ quâque dominatione prædia extabant, vel territoria, partitioni minime idonea: ut maria, flumina, lacus, montes & sylvæ, quæ variis animalium generibus ac speciebus circumfluebant; ideò hæc eadem sub imperatoris ac regis (s) dominio, cujus erant, individua permanferunt. Venandi autem studium, artisque hujus delicias ad reges & principes jure quodam divino pertinere palam indi-

c Genes. 6. 3.
u 7a.

d Div. Myren.
tiste. Polyd. Ver-
gilinus de invens.
ver. l. 3. e. 6.
6. f. 5.

h Div. August.
l. 2. de Genes.
adversus Manich.

i

k Josephus l. 1.
Antiq. c. 3.

l Joseph. l.
Antiq. 2. c. 5.

m

Joseph. ibid.

n

Genes. c. 10.

o

8.

p

Joseph. l. 1.

q

Antiq. c. 1. & 7.

r

Antiq. l. 1.

s

F. Delanney
de Ven. Jur. p.
102.

e CAIN, Ada filius, terram primus reperit coluisse, primusque terræ terminos fecit. Joseph. l. 1. Antiquis. cap. 3.

f JOBEL ex LAMECH genitus, primum tabernacula construxit. Joseph. ibid.

g CAIN, Ada filius, NAIDA primum condidit, & postea civitatem extruxit, murisque munivit: Hanc autem civitatem ab ENOCH, filio suo seniore, ENOCHIAM appellavit. Joseph. ibid.

i Et omne, quod movetur & vivit, erit vobis in cibum. Gen. c. 1. v. 29. & c. 9. v. 13.

n Hinc evixit proverbium: quasi NEMROTH robustus venator coram Domino. Gen. c. 10. v. 9.

q Erat autem principium regni ejus BABYLON, & ARACH, & ACHAD, & CALANNE in terrâ Sannaar. Gen. c. 10. v. 10.

tañt, & ab Isaac impetrata benedictio ⁵ Esau, (r) & à Daniele (u) facta somnii Nabuchodonosor interpretatio. Venari ergo (x) si Divinum est: canes & equos alere (y) si Regium. Quenam voluptas alia, Magnatum & conditioni & naturæ poterit, ipso venatu, esse convenientior? An exercitatio nobilior? An jucundior & (z) sanioris protrahens sæcula vitæ?

t Esau mœrore, commotus Isaac, postquam à Jacob se fraudulenter deceptum esse percipet: Esau benedicat, prædicatque ipsum, studiis quidem venandi, & robore corporis, & armorum præstantiâ celebrem fore, eamque gloriam tam ipsi quam posteris permansuram. *Josephus l. 1. Antiq. cap. 18.*

u Tu es Rex Regum, inquit DANIEL ad NABUCHODONOSOR, Deus cœli, & regnum, & fortitudinem, & imperium dedit tibi: omnia in quibus habitant filii hominum, & bestię agri: volucres quoque cœli dedit in manu tuâ, & sub ditione tuâ omnia constituit. *Daniel. c. 2. v. 37. & 38.*

t. u.
x Xenoph. in Cyropæd. & de Ven.
y Id. A. Blaud. de Venat.
p. 2. & 27.
z Sœvery de Venat. lepor. l. 1.

I V.

EXERCITATIO, corporis & animi peracta motu, quæ versatur præsertim in quadrupedibus, vi ac dolo, capiendis expugnandisque, venatû nomine decoratur. Hic Procerum honestissimus labor atque gratissimus, Magnatum deliciæ, vera (a) bellicarum rerum judicatur esse meditatio. Piscandi & aucupandi artes caveas æquiparare venatui. Prima, dum piscator tremulos inescat pisces, eosve caruleo de gurgite retibus educit in aëra, propter hami tarditatem, desidis est hominis: ob aquarum injurias, (b) noxia; hinc vilioribus derelicta mancipiis. Altera, dum volucrum aucups committit volucris, aut calamis & cantu fallit aedonas, tenerasve laqueis palumbes intercipit atque coturnices, plus reapse delectaret, (c) nec Optimatibus indigna videretur, si sana magis, aut minus esset obnoxia servituti. Adolescentiæ igitur meliora nundum expertæ studium esto; vel inertis aut avaræ oblectamentum seneclæ. Venandi autem ars ingenua; omni cognita sæculo, nullibi non exulta, Nobilibus licita ac reservata Principibus: non pedicis, ut olim, non formidine, non speculis, non maculis, non cassibus, foveis, facibus; at equis, canibus & armis feras potissimum insectantur. Præstantissimæ cujuslibet exercitationis quoddam (d) veluti compendium est: five dum venator alipedes insequitur cervos; five dum lepores timidos lacescit; five dum capras ovesque provocat agrestes; five dum in apros spumantes ardore furit; five dum vulpes dolosas, crudelesque lupos exagitat, ferarumve genus aliud * impetie: sua interim purpureo nobilitans cruore certamina. Talia quisnam ausit (e) simul æquâ lance librare? Venatus, casta hæc voluptas aulae, magnum belli Tyrocinium, Regiæque sanitatis custos & vindex, quot quantaque secum & Venatoribus & Reipublicæ affert commoda? Mentem exhilarando beat, sensus omnes acuit, famem & appetitum excitat, juvat coctionem, succos redundantes minuit, eliminat noxios, calorem nativum adauget, corpus universum alacre & promptum efficit, somnos inducit profundos, ceterosque laudabiles præstat effectus, quos (ad sanitatem ** fovendam) equitationi non immerito tribuit è nostris (f)

b D. Jonguer.
Disp. card. 28.
Martii 1666.

c Id. & ibid.

d L. Galliair.
Disp. card. 32.
Martii 1678.

* (Perdices intercedum, phasianos, vultures, &c.)
e Oppian. de Ven. l. 2.

f Franc. Bailly
Disp. card. 19.
Martii 1737.

a. Cum verò Venationi publicæ operam dent, in quâ Rex ducis officio fungitur, perinde ac belli tempore, cum & ipse venetur, & ut venentur alii, curam adhibeat: hæc causa est, quod isthæc exercitatio, bellicarum rerum videtur esse meditatio. *Xenophon in Cyropæd. l. 1.*

** Absit enim existimes hic sermonem institui

de equitatione, tanquam salutari morborum aliquot remedio; Quasi verò de salubri hominis valetudine, seu functionum ejus integritate per Venarum (equestrem præsertim, utpotè Magnatibus exercendis ac recreandis perutilem) conservandâ disserere, Medicorum non esset.

Eques Illustrissimus. Vis plura? Quàm præclarum est, Heroum filios contemplari; etiamnum Ephēbos, equis iisque generosis summa freni dexteritate imperantes? Quàm suave, ludica tractantes arma, cervisque vel apris pugnaciter insidiantes, propius intueri? Corporis agilitas, manuum solertia, impugnandi propugnandique artifex modus, conjecturæ locum faciunt futurum, ut sic exercitati juvenes, (g) in fortissimum aliquando exercituum Duces, hostiumque terrorem evadant. Sic, per venaticam disciplinam Bellatores informantur egregii: sic, strenui educantur (h) milites, quibus & servantur Imperia, & propagantur. Piscatum ergo, aucupium, cæterasque Gymnasticæ artes, non utilitatis modò, sed etiam gloriæ & jucunditatis dulcedine superat venatus; in quo labores, licet maximi, voluptate sic & laudis desiderio temperantur, ut difficile sit (i) iudicatu, majore suscitetur corporis, an animi motus? Testis Magnatibus experta Cervina cædes. Hanc enim quot exercitationes corporis, quot joca, seu mentis curricula, vel antecedunt, vel comitantur, vel excipiunt? Quisquis *Diana* gnarus participandi sacra, & in crastinum venaturus est, hic (κ) lorarii ministrum canis, ferarumve indagatores accersit. Rogat, an hærentem viderint cervum, aut petentem *lustra*? An ad *μαρυγία* errantem coegerint? sciscitatur de cornu, ramis, formâ, colore, pede, tibiâ, unguiculis & incessu. Quærit, an ex fimo & unguibus atatem distinxerint & sexum? An sparsis hinc & inde ramalibus, facile sint ad cervum redituri? Mox auditâ indagatorum cujusque relatione, perspectisque penitus fera indicis atque vestigiis; tam ad venatum, quàm ad *panegyrim*, & frugale sub herbâ prandium, loca designat Patronus idonea. Tum, ubi subsidiariis canibus & equis oportuniora pariter selegit, (l) prostrata sopore membra componit lecto; in quo mens luderet sine pondere, nisi venationis impatientiam probaret impotentia dormiendi: unde surgunt quidam ante gallicinium, nec *Solis* moram luminibus accensis castigare perimescunt. Protinus in futurâ oblectationis speciem disponunt omnia. Jam incondito murmure cynegorum, servorumque aliorum huc illic ad officia properantium, canum latratibus & tubarum clangore personat totâ domus: Junguntur gemellis canes: Venatores ocreantur, qui decenter & splendide vestibus & armis ornati, superbos conscendunt equos: venatûs ineunt viam, Cervumque jam è latibulis exitum, clamore simul & lituo insequuntur fugientem, notant aberrationem canum, & caute adventitii hinnuli cum adulto cervo currentis eludunt frustrationem; ac proinde, dum sylvas canibus quatunt, & utroque calcari veredos urgent, habent aliquid quod *Hyppolitus* invideret. Quid reipsâ solertius? Quid operosius, quàm per saltus enormes arduaque saxa, feras, è rupe dum evolant in rupem, aut superare prælio, aut cursu jam fractas antevertere? Quid elegantius, delectabiliusve, quàm earum astutias ac dolos, vel decipere, vel præripere? An ingenuo & nobili viro dignius aliquid potest excogitari? An non fuit hoc semper venatoribus proprium ac peculiare, ut ad bellum laboremve, quantumvis improbum, à naturâ com-

g LYCURGUS Rex condiderat legem, quòd qui puberem ætatem superaverint, Venatione utantur; præter hujus ætatis homines, quos publicum officium impediēbat. Idque virilis ad finem usque ætatis: maxime leves ac celeres, assueti laboribus, grandi animo, nec ubi cedentes timori, patientes frigora, nec timentes æstum, tolerantēs sitim, docti corpus in nodum atque gyrum vertere, oculis experti mi-

care, manu torquere atma, &c. *M. A. Blondus l. 4. de Venat.*

h Ex his igitur & boni milites & Imperatores boni evadunt. Quorum enim labores ex animis & corporibus turpitudinem, & ignaviam expellunt, & studium virtutis exeitant; ii præstantissimi sunt; quippe qui nec injurias patriæ, nec regionis, nec agri vastationem sint neglecturi. *Xenoph. l. de Venat.*

8

h *M. A. Blondus in præmissis.*

i *N. Matthieu. Disp. card. 11. April. 1660.*

k *D. Jougret. ibid.*

l *id. ibid.*

parati & quasi facti semper esse viderentur? Sic *Mars* (m), ut *Diana*, duro milite gaudet. Hinc ubi semel, iterum atque iterum pulsus ē toro cervus, venantem canumve insidiis jam obistere non potis est: Ubi jam defessus ad extremum adducitur; tum caput inclinat, ac titubanti cespitat gressu; dum receptam in fauces linguam, exlucco rictu nigroque ore non amplius valet exerere. Mox in genua procumbit (n), aut viā exilit Regiā, lacrymis quasi vitam rogaturus. Sic, vel, quā sibi lugendā, tam gloriosā venantibus, sorte perit miscellus; vel audax, aquis immergitur; vel ultima moriendi necessitas, timido incutit *Cadmice* votum pugnae. Nec mora; corporis enervati animosum concutiens caput, obvios canes interdū evulserat, circumstantium equorum stragem facit, venantibusque ipsis inferret exitium; nisi praesenti discrimine acriores facti atque fortiores, vel aperto decertarent Marte, vel, cujus desperatam fallunt immanitatem, cervum acutē jugularent. Sic dolo, sic virtute belluani superat Venator. Necis ad famam aut rumorem, jam nunc accurrunt cynegi, dicentes epinicia; canum agmina convolant; properant equitum turmae; cuncti celebrant exequias; & statim ut amputatum à cynagogo Dominus accepit pedem anteriorem & dextrum ejus, quem ultro ad *nebridem* aut *lanienam* destinat (o); Venatoris victoriā suā ovantes & fame pressi, redeunt domum, praeteritorumque toto venatu historiā & recordatione, longioris itineris fastidia, si quae sint, consumunt. Ergo maror (p) abiit. Jam subiere joci: largos pectore jam hilari Venantes effundunt risus; jam cibi potūsque appetitum alacres & læti comprimunt; jam exhaustam diurno motu perspirationis insensibilis materiem, lautiori reficiunt cœnā; sicque recreati, graviter & arctius obdormiunt. Ad quid enim fuit hæc à Diis inventa, Principibusque reservata (q), quadrupedibus insidiandi delectatio? nisi potissimum ut Magnates, vel exercerentur ad similitudinem bellicæ disciplinae, vel curis omnibus (r) ac molestiis, quas in gubernando Imperio suserunt, prorsus exolverentur.

m Oppian. *ibid.*
Belisarius Agmina
viva de Venat.
p. 43.

n D. Jonguet.
ibid.

o Id. *ibid.*

p

q
r Belisarius
Agmina. *ibid.*
p. 46.

V.

PLEBEII procul inde viri, (a) procul este profani,
Quis modicos census ars vel natura ministrat.
Magnates tantum, tantumque ea pectora Regum
Gaudia pertinent; nisi vos, quos munere fungi
Servorum fortuna jubet; vel mutua vobis
Agmina qui dantes, vestras superantia vires
Audetis, centumque canes aptatis in unum.

a J. Savary de
Ven. lepor. l. 2.

Tantæ fuit commendationis apud veteres Heroas (b) solers & artificiosa ferarum inquisitio, non tam venationis ipsius aut prædæ, quàm fovendæ sanitatis,

b N. Mattiæus
ibid.

p Lege LYCURGI sancitum fuerat ut LA-
CEDÆMONII litarent lætitiæ. L. Cyraldus.
S. I. de Diis Gentium.

q LYCURGUS, loco jam citato. SOLO-
nenandi voluptatem ad solos principes ac No-
biles pertinere cum decerneret, venationem
aliis hominibus interdicit, ne, vel ab agri-

colis atrata, vel ab opificibus artes, vel à mer-
catoribus officinæ desererentur. F. Delaunay.
ibid. p. 36. idem decreverunt Christianissimi
Reges. Carol. VI. 1396. Francisc. I. 1515. &
1533. Henric. II. 1549. Carol. IX. 1578. Hen-
ric. III. 1582. Ludovic. XIII. 1629. Ludovic.
XIV. 1669.

c M. A. Blon-
dus. *ibid.*

d F. de Lannay.
de Ven. jur. p.
175.

e Philocrates in
Dist. de Jurejur.
p. 2035.

f N. Matthieu.
ibid.

(Dyonisius
Syracusanus.)
referent. Hyer.
Mercurial. de
Gymnast. l. 3. c.
15.

g M. A. Blon-
dus. *ibid.*

h F. Delannay.
ibid. p. 14.

i Benneton Du-
perrin, in Venat.
a canonic. p. 58.

k

l

m

otique fugiendi causâ, ut *Mithridates*, (c) Princeps ille bonæ valetudinis suæ studiosissimus, per septem annos venatui continenter operam dederit, neque per ista tempora urbem ingressus fuerit, neque domos, neque telluris habitaverit. *Porus* (d) aut *Pharates* (e) Indiarum Imperator, cum rogaretur ab *Apollonio Tyaneo*, quânam igitur arte suam tandiu provexisset aratam, hoc responsum dedit: vini tantum ego propino, quantum *Soli* ad sacrificium præbeo; de venationibus suis alii quidem comedunt, venatui autem ego indulgeo, ut solum exercear, frugibus aliquot & palmarum nucleis contentus. Princeps alter, (f) ad cenam acceptus cum cibis appositis delectari se inficiaretur, habuit responsum hoc esse, quod nec in venatu, nec in cursu laborasset; sique fame & siti carere, quibus *Lacedamoniorum* epulæ condebantur. An silendi, *Aesculapius*, *Milano*, *Palamedes*, *Ulysses*, *Mnestheus*, *Diomedes*, *Castor*, *Pollux*, *Machaon*, *Podalirius*, *Antilochus*, *Aeneas*, *Achilles*, aliique Principes Generosissimi, quos tam ob venandi dexteritatem, quàm propter desidii fugam, & justitiam, Diis charissimos fuisse (g) tradit historia? sed quid Græcos, Ægyptiosque venatores acerrimos, hîc memorare juvat? Cum Christianissimi Reges nostri ac Maximi Principes, vel in venando, vel in abigendâ segnitie, non deprehendantur his hominibus esse inferiores. Numquid non erubescendum erit nobis? (h) (*Merveum Gonrandus* alloquitur:) Quid otiosi stabimus in Regiis ac Palatiis nostris, tanquam inertes & casarii? Accersamus equos, aves & canes, ut venemur? Si *Carolo*, *Divo & Magno*, *Galliarum* Imperatori, ejusque posteris proximè successoribus, non ea fuit, quæ *Mithridati*, venandi libido, ut per septem annos, nullas aedes intraverint; at certè, dum imperii regerent habenas, novis ita delectabantur mansionibus, ut quasi vagando (i) per agros, nunquam non equitarent, peregrinantur, venarentur; & ab *Aquis-grano* in *Aquitaniam*, ab *Aquitaniâ* verò in *Aquis-granum*: nunc ab hoc Palatio in illud, & vicissim perpetuò migrarent, per nemora interim, saltus & scopulos, belluis insidiando. Pertinaci adeò flagrabant venandi cupiditate, hujus secundæ stirpis Imperatores ac Reges, ut non modò *forestes*, absque ipsorum jussu noviter institutas, (k) cædendas penitus atque dimittendas sanctionibus suis decreverint; sed etiam sylvas integras, venationibus licet abundantes, sibi curaverint adservandas; in quibus (l) ne Filiis quidem suis aut morari, aut venari licitum erat. An appellare licet omnes & singulos *Caperii* Nepotes ac *Pronepotes* bellicosissimos, qui ad Hunc Nostrum usque Regem Invictissimum continuatâ serie, nunc hostes, patriæ insensos, expugnando; nunc feras, agrestium hominum pestes, subigendo, sic imperarunt, ut non venandi laude mirus, quam bellandi gloriâ floruerint? Quid innuunt aliud (m) præclara eorumdem vel edita, vel scripta venatica, quibus & juris administrationem, & orbem eruditum locupletare? Sed hoc venandi studium jam increpas, tanquam præposterum, nec reipublicæ minus, quàm venatoribus ipsismet execrandum? Quid enim (ais) licitum erit ad hanc exercitationem incumbere, quâ simul, & conteritur corpus, & animus ad injustitiam

x De forestibus noviter institutis, "ut quicumque illas habet, dimittat, nisi fortè judicio veraci ostendere possit, quod per jussionem, Domini CAROLI Genitoris nostri eas instituisse. Cap. Caroli Magni l. 4. c. 42. F. Delannay *ibid.* p. 7.

l In quibus ex nostris Palatiis Filius noster,

si necessitas non fuerit, morari; vel in quibus forestibus venationem exercere non debeat. Cap. Car. Calv. c. 34. F. Delannay *ibid.* pag. 8.

m CAROL. IX. Gall. Rex, eleganter & ornate scripsit de Ven. GASTO PHEBUS Fuxensis Comes. FREDERIC. II. Imperator.

crudelitatemve interdum acuitur? An non venantes laceffit quandoque bellua, (u) indomitâ feritate ruens in vulnera ferri? Non ne repetitis quadrupedum in agros decursionibus, vastantur exinaniunturve arationes; dum frumenta, segetes, ac vitium gemmas exedunt feræ atque consiciunt? Ad hæc verò, tam rationi quàm sensui adversa, veniret nullus, qui, vel perpendifset Heroum ac Nobilium filios pacificis bellicisque artibus à pueritiâ liberaliter institui; vel præclara novisset diplomata, quibus Reges Christianissimi providerunt, ne aut à quadrupedibus, aut ab ipso venatu detrimentum aliquid agris afferretur; vel tandem expertus fuisset rerum omnium, vel præstantissimarum quæ corpus afficiunt, eam esse indolem, ut nisi modum exceßerint, nullam queant homini vim inferre. Sic lumen, nisi nimium, non occæcat. Sic, nisi plus æquo adhibeatur, sal benè sapit; nec amarescit. Optima igitur sanitatis tutela erit venatio, cum præsertim huic accederet rerum ac temporum oportunitas, nec non & congrua ipsiusmet exercitii mensura; ita ut venantum animo ingenioque, corporis & agilitas & virtus pro necessitate respondeant. Hinc *Traiano* Imperatori summa hæc voluptas erat, (o) certandi cum fugacibus feris, cursu; cum audacibus, robore; cum callidis, astu: nec mediocre pacis decus habebatur, submota campis irruptio ferarum, & obsidione quâdam liberatus agrestium labor. Si tamen, suavi quodam venandi lenocinio abreptis, arationes aliquot conculcare, Magnatibus interdum contigerit, damna nunquam non ab ipsis tantumdem fuisse compensata reperies. Hinc *Philippus* & *Carolus Galliarum* Reges, (cognomine, quisque *Quartus* & *Pulcher*) supremâ (p) testamenti sui voluntate sanxerant ut quid quid ab immanibus feris incommodi vel detrimenti accepissent agricolæ sylvis finitimi, illud omne certâ quâdam pecuniæ summâ leniretur atque resarciretur. Hæc fuit quondam, quæ etiam nunc viget, Christianissimis Principibus agriculture cura, ut infinitas propemodum condiderint leges, quibus mercenaria colonorum opera, facta recta, vel ab ipso venatu conservarentur, vel à ferarum domitu vindicarentur. An *Caroli Quinti*, Ducis *Normannie*, *Delphini Viennensis*, ac postea *Francoorum* Regis, constitutionem licet omittere, (q) quâ iussit Princeps ille Sapientissimus, ut *leporaria* omnia noviter, vel etiam à quadraginta annis constructa, tollerentur penitus atque funditus everterentur, faciens cuique potestatem in his venandi, absque multâ ullius irrogandæ metu? Nonne à *Carolo Nono*, *Henrico Terrio*, *Quartoque*, nec non à *Ludovico Magno* consultè sancitum (r) fuit, ne vel in vineis, vel in consitis arationibus quisquam, etsi Nobilissimus, venationi indulgeret, à *Kalendis* quidem *Martiis*, aut ab eo præsertim tempore, quo frumenti calamus jam incipit adolescere, donec ad messem, plenamve frugum ad fructuum perceptionem quisque pervenerit? Numquid rei Venaticæ ministris eodem iusserat diplomate *Ludovicus decimus-quartus*, ut, intra sex ab ipso promulgato menses, viverræ injicerentur in specus omnes, qui multatores erant in terra; donec periisset pars major cuniculorum, quibus Regiæ tunc *forestes* ac sylvæ redundabant: idque sub quingentarum libellarum multâ, & sui muneris ad annum interdictione. Quod, saltuum ac nemorum magistris, eadem functione pariter imperabatur. Ast quid *Galliæ* Regum in colonos, agrorumque conductores, studium amoreve magis commendat, quàm *LUDOVICI DECIMI QUINTI* munificentissimum Edictum, à quibusdam annis non semel renovatum (s)? Cum audivisset Princeps Humanissimus, per venaticas leges jamdiù, ob avium partus aliquot conservandos, veritum esse, ne, vel in insulis, vel in pratis, quæ sub voluntate simul & dominio Régis versantur, forma sub-

n *Oppian. ibid.*

o *Plinius secund. in paneg.*

p *Tessl. Phil. l. IV. 17. Maii 1311. & Carol. IV. 26. Augusti 1321. F. Delanoy. ibid. p. 42.*

q *Edictum. Carol. V. 1316.*

r *Diplomat. Carol. 1X. 1. 60. Henr. III. 1579. Henr. V. 1599. & 1601. Ludov. XIV. 1669.*

s *Edictum Lud. XV. 4. Junii 1737.*

secarentur falcibus ante consecratum Divo Joanni Baptistæ diem; Cumque ineunte Junio, sæna jam ad maturitatem proxima, multum periclitari animadverteret, nisi solitum ante tempus præciderentur: decimum secundum indixit Junii diem, quo tundendi prata quisque licentiam haberet, sine ullo venatoriæ cohortis Præfectorum aut Dynastarum impedimento; Non tamen ab ipsis neglectâ partium volatilium curâ. En Veri Principis atque Venatoris Accerrimi Mos Regius, æterna laus, perenni quidem honore digna, quo solus is Princeps inter alios Magnus, mirabilem in modum hâc nostrâ fulget ætate. Nullum igitur Venantes arripiant maledictum ex trivio, aut ex scurrarum aliquo convicio. Turpitudinem enim & ignaviam (r) cum expellat exercitatio; cum ad eas tantum corporis & animi motiones inclinet natura, quæ unicuique conveniunt; cum, nec satiari cibus, nec pigrum esse ad laborem, tutissima sit conservandæ sanitatis ratio; cum, venatûs exercitio pereant arcus Cupidinis, (u) citraque delectationem vitæ salubritas inducatur: An Magnatibus, Venari non erit utilissimum (x)? Nonne, dum feras insectantur, urbanorum effugiunt inertiam, mollitiemvè quorundam eludunt *Aulicorum*, quos sola desidia fatigat, quique toti sunt in talis & alæ? An non cuncta Venantium viscera, equitationis beneficio leniter excitata, servatis semper naturæ periodis, motu & secretionis modo, disponunt ad circuitum vel fecellum, quæcumque in illis subiguntur aut amant excerni? Hinc præluce in eorum vultu color quidam eximius, nitorque virens & senii nescius. Sic ipsa mens alacris & læta suum veluti vigorem transfundit in corpus, omnibus vitæ muniis comparatur. Quis interea molestiæ, quis dolori locus? Quot immò & quàm varias blandiæ vel honestæ voluptatis illecebras secum abripit Venatio? Quàm mirificè Procerum oculos pascit amœna ruris ac locorum varietas? Quantâ suavitate, tubarum sonitu, eorum demulcentur aures? Quàm efficax, aeris liberè inspirati serenitas? Quid, odoros si decerperint vere flores, gaudii Venantes percipiunt? Quàm dulci alliciuntur sopore, dum recumbentes in herbâ, quiescunt? Quàm expeditum, frugale licet, montibus in supinis prandium? Qualis est æstu ferenate, humi dormitio? Quàm placidus (y) fessio Venatori potus, quàm dulce lavacrum, limpida profluens aqua puri fontis ab antro? Quare

Xenophon. ibid.

Reg. Modus & Regin. Ratio in l. de Venat. oblectamento. Parisiis 1752, 6.

x

Oppian. l. 2. de Venat.

Felices, quos Ista juvant, queis tanta Voluptas

Contigit; Hoc optem vivere posse modo.

x ROMANIS solemne viris opus, utile famæ; vitæque & membris, &c. *Horat. l. 1. Ep. 18.*

Apud ROMANOS tantum valuit Venatio, ut feras ab extremis oris ASIÆ, AFRICÆ & EUROPE in urbem accerferent, sicque cædibus immanium ferarum consueverent, quod minus hostium cruorem & vulnera, si cum hostibus dimicandum esset, perhorrescerent. *J. Bodinus in Oppian.*

Ad hominis voluptatem, utilitatem, vitæque oblectamentum, educantur animalia, ut delectabilius & corpora Nobilium exercitari, & pasci animus, & acui ingenium possit. *Belisarius*

Aquaviæ Nivitarum Dux. lib. de Venat. p. 51.

Venatio nec pace, nec bello parvi faciendâ: tum quia Venationis exercitio, locorum angustia, prærupta montium, insidiandi ars, regionis denique agnitio magis a Venatoribus percipi potest; tum etiam, quod equitandi usum, consuetudinemque venandi, aptiores ad pugnam equites, si quandoque pugnare contigerit, sient *Idem Belisarius. p. 112. & 113.*

Tam vcrò immanes belluas nancimur venando, ut & vescamur his, & exerceamur venatu, ad similitudinem bellicæ disciplinæ. *M. T. Cicer. libro secundo de divinât.*

Perdit enim validas vecors ignavia vires,

Confirmat modicus, restituitque labor.

Ille senectutem, citius quam debuit, affert;

Hic ævi florem, donat adesse diu.

Æban. Heflus, de bonâ valetudine tuendâ. p. 5.

Qui Venatûs labori ac studio dant operam, magnam inde voluptatem percipiunt: nam & corporibus bonam valetudinem conciliant, & visu auditque sunt meliori, & seriùs senescunt.

Xenophon. l. de Venat.

Apud RHASEM ARABEM Medicum legitur, contigisse in quâdam peste, ut dum omnes fere perirent ægrotautes, soli Venatores, ob summam valetudinem assiduâs exercitationibus paratam, incolumes evaserint. *Hieron. Mercurial. de Gymnast. l. 3. c. 15.*

G A U D. Venatu pariter exerceor. R A T. fuit hæc quondam *Latinorum*, nunc *Gallorum* ars propria est, quod & res probat, & illorum scriptores gloriantur: itaque, ut sileam Reges, quorum tota vita, Venatio; summus apud illos Regum, quantum ab armis otii fuit, Venatu assiduo, ut vides, semper exercitus, ad extremum morti proximus, Venatu etiam lassitudinem senectutis, atque incommoda refocet. Mirum dictu, in Rege præsertim literato, nec à studiis melioribus abhorrent: sed gentilitium hoc illi erat, ut perhibent, sitque gentilitium, sinit. *Francis. Petrarb. Dialog. 32. Gaudium inter & Rationem.*

Ea namque (ut arbitror) omnium conducentissima est exercitatio, quæ non modò cor-

pus fatigare, verum etiam animam oblectare possit; & profectò qui leporum, cervorum, aprorum, cæterorumque id genus insectationem, nec non quamlibet aliam Venationis formam adinvenerunt, voluptate, oblectamento, & cupiditate laudis, horum laborem temperantes, illi sapientes & humanæ naturæ peritissimi extiterunt. Tantum enim in ipso Venatu potest animæ morio, ut multi præ solâ lætitiâ morbos evaserint. *Galen. de parvæ pilæ exercitio. l. 1.*

Natura ipsa, quæ animalia cuncta, hominis causâ produxit, Venationem quasi præcipere & acceptam habere (z) videtur: Cum in ipsâ spectaculum nullo scelere contaminatum exhibetur, & præterea corporis robur & animi vigor augeatur. Ex quo nemo non videt, quam prudenter fecerint Medici, qui, pro exercendis corporibus, iisque validis & sanis conferendis, Venationem tantopere æstimant; Cujus nimirum studio, antiqui illi Medicinæ Parentes CHIRON, MACHAON, PODALYRIUS, ÆSCULAPIUS usque adde (&) arserunt, ut non minus in eâ laboris, quàm in artibus, in quibus plurimum excelsabant, sibi impendendum quotidie putarent. *Hieron. Mercurial. de Gymnast. l. 3. c. 15.*

z. *Aristotel. l. 1. polit. c. 5.*

& *Xenoph. l. de Venat.*

Ergò Magnatibus, Venari saluberrimum.

Proponebat Parisiis GEDEON DE RABOURS, Genevensis,
Baccalaureus Medicus, A. R. S. H, 1737. à sextâ
ad meridiem,